

重修棗陽縣志卷之一

地輿

沿革

疆域

形勝

山川

沿革

湖北布政使司西北五百六十里有棗陽縣焉古爲豫州之域隋時更今名在春秋屬唐國後滅於楚秦并天下隸南陽郡漢初爲蔡陽縣元帝時分立侯國曰舂陵仍隸南陽郡屬荊州世祖卽其地中興更舂陵爲章陵與蔡陽襄鄉分治三縣迨於獻帝乃升章陵爲郡至魏復降爲縣曰安昌立義陽郡領之未幾郡罷而蔡陽襄鄉如故晉復立義陽郡已而徙

重修棗陽縣志

卷之一

沿革疆域形勝

一

之安昌襄鄉皆隸焉而蔡陽則改隸新野郡自宋以前皆屬荊州至大明初而蔡陽省安昌如故屬司州襄鄉則改隸河南郡屬雍州南齊則安昌仍晉舊襄鄉仍宋舊升蔡陽爲郡分置東蔡陽西蔡陽二縣隸雍州甯蠻府皆沒於北魏北魏乃改襄鄉爲廣昌縣立廣昌郡領之析安昌置豐良縣立安昌郡領之復立南荊州統焉仍合東蔡陽西蔡陽歸蔡陽郡領之復立南雍州統焉正光二年南荊州叛降於梁尋復入西魏西魏改南雍州爲蔡州領蔡陽郡蔡陽縣復置南陽縣隸之後改縣曰雙泉復立千金郡置澠源縣隸之改南荊州

爲昌州別又立東荊州已而廢之惟安昌領安昌豐良廣昌領廣昌爲郡如故北周州郡皆因焉至隋而州則昌州蔡州郡則廣昌安昌蔡陽千金縣則廣昌豐良雙泉澠源皆廢立春陵郡統春陵清潭蔡陽棗陽等六縣唐初爲昌州春陵郡治棗陽而蔡陽清潭春陵皆省入焉武德五年更名唐州九年徙治比陽郡名亦旋易而棗陽仍隸之至貞觀十年始改隸隨州漢東郡屬山南東道五代迄宋皆仍唐舊迨高宗時乃升爲軍屬京西路元復降爲縣隸南陽府後改歸襄陽路屬河南江北行省明初省入宜城縣已而復之隸襄陽府改

重修棗陽縣志

卷之一

沿革疆域形勝

二

歸湖廣布政司

皇朝分隸湖北承宣布政使司仍屬襄陽府在府東北一百四十里廣一百三十里袤一百八十里東隨州東南隨州南鍾祥西南宜城西襄陽西北唐新野北唐東北桐柏唐縣介唐鄧之間扼襄樊之要霸山揖其左漢江翼其右白水導前唐河帶後東南多山谿阻險爲固有囊括之勢易入難出西北夷漫直達襄陽利用車徒蓋自古攻守之地衝湊之區況其聯絡楚豫哉然豫得之不過拓疆百里而楚以鍵北方門戶不同溷閑之域亦明矣夫是以襄陽者天下之咽喉而必

得棗陽爲唇齒也

夫制邑於山川之間曰險於利而已矣山之守在險而縣境山分三幹其中幹自隨州鷄鳴山來者治東六十里曰大阜山長山椒山東四十里曰馬鞍山華陽山東三十里曰洞兒山東二十里曰鴨兒山東南三十里曰花山東南五十里曰磨劍山霸山凡十山其南幹亦鷄鳴山之支峯也東南八十里曰聖龍山資山端拱山破腦山東南九十里曰石虎山金牛山黑虎山龍山南七十里曰無量山南九十五里曰綏山南一百里曰雷塢山南九十里曰八萬山南八十里曰光斗

重修棗陽縣志

卷之一 山川

三

山南六十五里曰團山南四十里曰獅子山南一百二十里曰雲臺山關門山南泉山西南八十五里曰虎洞山西南八十里曰青山西南七十里曰澗源山凡二十有一山其北幹自隨州太白山來者東北八十里曰晃山十八盤山東北七十里曰赤眉山獨山陡山東北九十里曰牛心山東北六十里曰鷹架山北六十里曰珉山北七十里曰甘泉山天封山北六十里曰紫薇山唐子山凡十有二山其下水泉可資軍用者則大阜山有白水鴨兒山有優涼河水霸山有華陽河水聖龍山有鍾河水雲臺山有昆水虎洞山有虎洞泉青山

有谷泉澗源山有澗水十八盤山有水牛河水牛心山有澗水鷹架山有漸水珉山有南長水天封山有板橋水甘泉山有甘泉凡十有四處其上壁壘爲古防禦者則長山在杏兒砦磨劍山在軍營岡聖龍山在天池寺金牛山在徐家寨龍山在五營岡雲臺山在武都寨澗源山在梁家寨十八盤山在抱兒石鷹架山在平頂寨凡十有八處蓋鴨兒山石虎山雷塢山關門山青山牛心山獨山陡山唐子山亦皆戍之今已圯矣其險而當守者東扼霸山之險以要隨州來路南扼雲臺山關門山之險首獅子厓次甘冲崎嶇樵徑一夫當之

重修棗陽縣志

卷之一 山川

四

可斷鍾祥來路西南扼青山臥牛山之險曰上馬石可斷宜城來路東北扼牛心山十八盤山之險曰襄鄉冲可斷桐柏來路北扼唐子山之險以要唐縣來路而襄陽來路自西巖石隘狹道路交錯則有重岡阻其出入是又險不在山林而在岡阜也水之用在利而縣境水分十派其經流一曰白水今名沙河源出大阜山西南流至襄陽縣注洧其大水四曰澍水今名滾河源出隨州栲栳山西南流至璩家灣入白水曰鍾河水源出聖龍山西北流至軍營岡入白水曰鸚鵡水源出隨州收馬嶺北北流至皇村入白水曰昆山源出雲臺山西北流至

至梁家集八白水此水之在境以內合經流者其中水五曰
澠水源出牛心山北流至河南唐縣注澧曰南長水源出珉
山曰板橋水源出天封山皆西流至襄陽縣注泚曰澠水源
出澠源山西北流至襄陽縣注漢曰南泉水源出南泉山西
流至宜城縣注漢此水之至境以外曾經流者而白水又東
合二道河寺溝小河華陽河玉泉溪南合龍頭橋楸樹溝李
家鄉九龍泉曹家溝梅家舖西合南溪龍潭冲北合東河石
滾河白龍橋金雞河孟家河韓家河優涼河蕭家溝白溝橋
子溝小河八龍橋南溝頭道溝二道溝鄧家湖二十有九水

澠水又東合黑子嶺構林河鴨子河南小河南合鴈門關西
合雷家蕩北合北源石豬河水牛河漸水河臥虎冲嚴家岡
十有二水鍾河水又東合陳家店大橋河王家蕩南合驢子
阮馬陂堰北合南源溝章平堰七水鸚鵡水又東合劉家包
唐家蕩羅家畷蒿陂堰南合梨花橋西合牧鴨河雙山溪七
水昆水又東合東源石橋冲蔡子湖魯家蕩彭家冲南合車
橋河石板蕩虎洞泉響水河楊家河洞溝泉西合西源麒麟
山分水嶺十有四水澠水又東合老龍峽南合殷家山二水
南長水又東合竹園賈家坵南合十八疊河黑精溝北合石

頭河唐子陂柳園七水板橋水又東合孟家橋陡河北合杜家河蒼龍河郝家店五水澠水又南合分水嶺一水南泉水又南合臥馬山老戶園練泉北合潘家河平頂山五水此小水八十有九由大水中水以達經流者其上游則可隄可防其下游則可舟可航其陽則填淤反土壤其陰則舄鹵生稻梁其利冊足用者湖一渠一陂十有五蕩二十有六堰二百七十有六或置塘灤深不容刀淺而濡軌以限戎馬利一或築壩閘口則畜以瀦澇則去其竭利二或開溝洫岸水以灌之謂漑籓泥以雍之謂糞利三蓋太湖襄鄉諸陂亦皆引之

重修棗陽縣志

卷之一 山川

六

今已曆矣而城西廢堰水跨九阜漑田萬頃邊儲豐物有其廠之是又利不在川瀆而在陂澤也自棗陽至厲山九十九岡昔智謀之士多談漢東險阻如兵家詭伏奇計則可屯重兵宋紹定元年創平堰於棗陽由八疊河經漸水側建通天槽八十有三丈立十莊三轄使軍民公屯歲收十五萬石則可行營田然宋當南渡趙觀孟宗政所以捍金元者而全子劉澄以之資敵豈不以人哉豈不以人哉

附水利

棗陽陂堰之利甲於上游諸郡縣顧久而弗治湮廢者百不

逮十旱乾水溢仍不免爲災蓋守之替而不思夫勸之滋利也今僅就瀦畜可指者附於編蓮花堰在唐子山卽古唐子陂白水陂在城南白水村魯堰在城西六十里牛心堰在太平鎮菱角堰在唐子山東北黑陂堰在唐子山南落湖陂在青陽集東北過山集在雙河鎮東北石羊池在縣南三里蓮花池在縣西南白園泉在鳳凰山下三眼泉在雲臺山下汝泉在縣南今名南畝泉青山泉在縣南青峯頂下唐家壩在無量山西其西南有千工壩魯家壩在平林店東蒿陂堰在柳林河北西數里有淺陂堰澍水正源自汪家店中源自三重修棗陽縣志

卷之一 附水利

七

河店下至兩河口鸚鵡水經青潭鎮土人堰蓄以溉田名牛車蕩章平堰近名李家大堰在烏金店東南鍾河北岸明水堰在周家橋東南板橋水南岸

重修棗陽縣志

建置

城池

壇廟

公署

鋪遞

里鎮

津梁

城池

棗陽城自宋以前無考南渡後知隨州吳柔勝始築土城嘉定十一年知棗陽軍孟宗政增築元末毀於兵明景泰間知縣夏亨爲土垣而覆以瓦無樓櫓堞隍成化時知縣楊瑛甃五門曰寅賓阜成向明觀光西成洪治十五年知縣王顯高於五門建樓正德七年流賊攻城幾陷知縣安邦始創磚城周四里高一丈一尺厚一丈八尺櫓四十二堞一千六百五

重修棗陽縣志

卷之一

城池

八

十門樓五各設冷鋪池廣十丈深六尺參議李源爲之記嘉靖二十二年知縣李一龍府志作翼龍重修萬曆元年知縣王應辰以城逼近

文廟遷南門於其前名崇文門建樓其上增城周遭各高五尺崇禎時知縣金九陞復增高五尺濬池如之

本朝雍正五年知縣邱彥升補修乾隆十一年夏沙河水暴發衝崩城東南一帶共一百一十二丈有奇二十年張載遠捐俸倡修會遷任未果二十二年黃文瑗乃繕城築堤克成厥事郡守陳鏜有記而舊城自明中葉創建以後迭修迭圮

年久崩坍益甚墻址皆剝蝕如齧道光十八年署縣事鹿啓烈補葺未竟去任二十二年知縣熊文鳳會集紳耆重修以復舊觀咸豐二年夏秋間陰雨連綿城西北塌壞四丈九尺餘時文廟文昌宮大工方興用工之灰磚夫役修訖而南城內外及小東門北門外城又連塌數十丈修補兩閱月一切工料皆取足於廟工焉

壇廟

社稷壇在城西半里許明洪武元年頒郡邑壇制建於北郊左社右稷至十一年定爲同壇合祭

本朝因之雍正二年頒發圖式乾隆二年奉

勅繕修其制甃磚爲壇高二尺一寸縱橫各二丈五尺四出陛各三級繚以周垣門北向設石主二長二丈五尺方一尺埋於壇南正中不鐫神號外置木主二高二尺四寸濶六寸座高五寸寬九寸五分一書縣社之神一書縣稷之神臨祭設於壇上

重修棗陽縣志

卷之一

壇廟

十

風雲雷雨 山川 城隍合壇在城南一里明洪武二年令風雲雷雨合爲一壇六年以境內山川合之八年又以城隍合焉風雲雷雨神位居中山川神位居左城隍神位居右木主三一書風雲雷雨之神一書境內山川之神一書本縣城隍之神壇制及神牌丈尺分寸皆與社稷同本朝因之

先農壇在東門沙河東雍正四年建壇制及神牌丈尺俱與社稷同前爲門中建壇壇後建祠三楹供先農神位題曰先農之神其兩翼廂房貯祭器農具壇之前藉田四畝九分塘

一口每歲耕藉致祭

厲壇在北門外黃龍岡每歲清明七月十五月初一具牲
牢祭無主鬼魂宣讀部頒祭文以靖邑厲

至聖廟在大南門東咸豐元年重爲建修一切增擴舊基盡
制詳見學校

關帝廟在城內者有三其一在西北隅城下一在大北街位
西向東相傳爲陽公生祠歷久傾圮邑人因基址改建爲廟
蓋乾隆二十七年事也

正廟在大東門內殿三楹前有拜殿劇樓東爲啓聖宮僧舍

重修棗陽縣志

卷之一

壇廟

十一

附焉官斯土者朔望禮謁春秋祀典皆在此廟遇有軍旅之
事亦必告焉子飭自辛亥七月知縣事中秋致祭見殿內東
位火帝西位馬王與

關帝平列非制也謀於殿東量爲更修以時方有事於

文廟費繁任重未敢兼營壬子秋冬間粵匪滋事竄入楚境
勸捐助餉興修之事更不能不有待矣敬贅數言於邑乘用
志心泐並告同人及後之君子

文昌宮在 聖廟櫺星門之東正殿後殿皆三楹前之拜殿
大門如之廟外無護牆亦無隙地可爲住持舍歷久未經修

葺殿宇樑棟多朽壞大門圍牆均傾塌無存附近乞丐三五成羣坐臥寢食其中以文明之地致使煙火薰灼塵穢堆積良可嘆也飭自調任斯邑與同人亟謀修之量度基址殊嫌狹小且與 廟垣切近添買蔡姓房屋八間李姓房院一所張盧趙三姓房屋共十四間計用制錢四百餘串南北廣二十餘丈東西廣十餘丈建修頭門拜殿正殿後殿務爲宏闊堅實裝修神像一遵儀式東建客舍三楹與臨街之屋可作義學旁爲僧舍由城隍廟撥僧住持擬於各工告竣之後酌籌微資以爲該僧贍養之用

城隍廟在縣治南建始莫考明景泰中知縣夏亨憫其荒落撤舊更新因其故址而開擴之王敞作記

國朝康熙時知縣劉嗣煦重脩李柱作記乾隆二十二年知縣黃文瑗復加繕葺自爲記道光二十四年知縣熊文鳳重修其地基自南門城址起直至廟後凡二十八丈五尺橫廣一十一丈雍正七年王喜魁施園地五畝坐落城東乾隆三年陳克量施田一分坐落城南山鄒家嶺

光武廟一在獅子山一在無量臺其在縣署前楚襄屏翰坊之西者爲知縣劉鴻生祠康熙二十六年鴻復任諭令改祀

光武其基址前廣十三丈五尺自前達後長十三丈五尺廟後園地一段寬五丈五尺殿三楹設漢世祖皇帝木主旁列雲臺諸將牌位門南向門內兩廊爲守祠僧舍不知何年於殿內塑佛像大小共十餘座而以光武木主遷置座前龕上其兩旁牌位無復存者而廟亦傾頽不堪矣

按棗陽爲光武肇基之地應列祀典考舊志尙有香火地一百五十畝坐落兩河口又五十畝坐落段家岡歲租儘足供祀今皆烏有間詢之故老乃知昔因椒山寺僧司此廟香火掌管收租年久遂據爲己有後其徒之住柯公祠

重修棗陽縣志

卷之一

壇廟

十三

者與之爭產鄉人處和分給五十畝而廟產與焉誌之以待恢復

忠烈祠在縣署東祀知縣郭裕

王公祠在城內小十字街北祀御史王琰

舒公祠在縣北一里祀文林郎舒申

任侯生祠在南門外爲知縣任贊化立有記

柯公祠在大南門內卽準提菴故址邑人建之以祀知縣柯聳其地前至街後抵城隍廟墻左右各長十五丈前橫過六尺後橫過十二丈舊香火田五百畝僧心微自置鹿頭店棗

莊田地二分又於南門外置墳地半畝香火田二十畝坐落南壇

陽公生祠在城內北街爲知縣陽德生立久廢基地爲市民所居乾隆二十七年士民公請建關帝廟並

上諭亭於右以爲朝賀講約公所

劉公生祠在東街爲知縣劉嗣煦建有記後有百子堂康熙十六年建香火田五十畝一在沙河店東一在古城內住持僧心印復置地三畝亦坐落古城內

黃公祠在縣署後西街祀知縣黃文瑗

重修棗陽縣志

卷之一 壇廟

十四

魁星樓在東南隅城上

火神廟一在北門一在西街一在南門外一在北門外

龍王廟在小東門外

水府廟在大東門外

禹王廟在大東門外護城隄上

三官廟在小東門外

泰山廟在大東門外

春陵考侯康侯廟在白水村今廢

皇考廟在白水村祀南頓令今廢

皇祖廟在白水村祀鉅鹿都尉今廢

安成侯祠在白水村祀安成孝侯劉賜今廢

古城隍廟在縣南九十里清潭鎮卽隋清潭縣舊祀也鄉人相沿修葺至今不廢 又縣西六十里蔡陽鋪白馬廟相傳爲古蔡陽城隍祠

公署

縣署在城西大街前有譙樓元至正十二年建元末署與樓俱毀於兵明洪武四年知縣吳子俊營正廳後堂及幕館倉庫六吏科房又於大堂前置戒石及旌善申明二亭儀門譙樓皆以次修復署之基址規模實肇於此嘉靖三十六年知縣陳應詔重建大堂移舊堂爲川堂萬曆元年知縣王應辰於譙樓外建楚襄屏翰坊崇禎時爲賊毀康熙十年知縣劉嗣煦修坊及署雍正三年知縣高鏐因內宅卑隘甃磚爲臺高七尺建宅五楹乾隆二年知縣聞人集建

聖諭坊於儀門內二十年知縣張載遠重修大堂嘉慶十五年知縣張世維改修有記勒於西廳之壁咸豐元年七月下浣子飭來涖茲土抵署後值陰雨兼旬前後多圯欹傾倒大堂後東房雨夜梁垂至地司閻王某壓臥其中幸無恙其賓幕所處亦潮濕上侵危若巖牆余之臥室雨飄牀褥常中夜秉燭坐以待旦因出貲搆灰雜土爲牆於附近之窑搆磚瓦木廠搆料材先於二堂後成正室五間旁室四間而寢臥辦公始不慮露處矣冬月與邑之官紳有興修廟工之舉一切梁棟求巨求新多所換易因取改用修二堂三楹花廳三楹

左右之耳室東西之旁舍前之庫房庖廚後之賓舍書房出納之所皆備又於福德祠東特起廳事五間以爲纂修邑志之用通計署內之屋除後之四堂五堂剔瓦培基畧事補葺此外七十餘間皆平地坼修者也藉非賴有大工烏次第之如是哉癸丑小陽月記

儒學署附於

文廟正齋在東副齋在西咸豐二年有興修學宮之舉東西兩廡易五楹爲七楹西齋賓舍坼爲西廡南基後之正室不能復居因以其基作忠義節孝兩祠東齋之基廣至東巷爲

重修棗陽縣志

卷之一 公署

十七

地十丈南北與廟齊中建明倫堂堂後各建內寢五楹界以牆垣門通於堂之左右分建賓舍以會於大門大門內齋夫門斗辦公居宿之室在焉東西各數間門外之屏對文昌宮後殿

縣丞主簿署舊在縣廳東北康熙時缺裁署廢嘉慶六年復設主簿於平林店未置署僦舍以居

典史署在縣之西二堂僅撐撐餘皆將就圯壬子秋以廟工所餘磚瓦木石建修大堂三楹二堂後賓舍及內室皆五楹西偏爲室四楹以冬月軍需方興工暫停

監獄在儀門外西偏典史署前

火藥局在城東北隅

養濟院在西門內西直街

育嬰堂在小東門內今廢

漏澤園八處康熙五十六年知縣邱綸捐置四處一在東門外十里廟地五畝一在南門外靈通寺地十畝一在西門外雲峯寺地十畝一在北門外清涼寺地八畝乾隆二年知縣聞人集捐置四處東門外沙河店地四畝南門外火官殿地八畝西門外雲峯寺地七畝北門外祖師殿地六畝

重修棗陽縣志

卷之一

監獄 火藥局 養濟院 育嬰堂 漏澤園

十八

舖遞共八舖四名俱係舖司編

總舖在縣前

土橋舖縣西二十里

梅成舖縣西四十里

蔡陽舖縣西六十里

韓城舖縣西八十里通襄陽縣槐樹舖

今改從白廟隆興寺蘆陂等舖達韓城舖

紅花舖縣東二十里

陳家舖縣東四十里

重修棗陽縣志

卷之一 舖遞

十九

雙陂舖縣東六十里達德安府隨州大悲舖

今改由石豬河烏金店王家城等舖達隨州界

里鎮

太平寰宇記棗陽舊十五鄉明一統志棗陽編戶四十五里
洪武二十四年編里五曰霸山馬陂車橋崔橋白露弘治十
七年增編一十七里曰東安西定守政遵教淳化居仁高橋
新一新二新三新四新六新九新十新十三新十四其新五
新七新八新十二歸入東安等里並舊里共二十有二後又
析馬陂人戶爲縣坊里共里二十有三崇禎時流賊蹂躪戶
逃土荒

國朝順治十四年編里一十有三曰馬陂曰崔橋曰霸山曰
重修棗陽縣志
卷之一 里鎮
二十
白露曰車橋曰東安曰西定曰守政曰遵教曰敦化曰居仁
曰高橋曰縣坊

康熙十年收併藩莊田地另編爲新豐里一十有四城內街
凡八曰中直街自南門至北門曰東直街自小南門抵北橫
街曰西直街自南橫街抵北橫街曰大橫街自大東門通縣
治抵西直街曰前街通中直街西通西直街曰南橫街東直
街西通西直街曰後橫街東通東直街西通西直街曰北橫
街自小東門抵中直街

吳家店 在縣南四十里地勢平曠煙火千家水陸交通商

賈雲集爲縣南巨鎮白水經其東北獅子山峙其西南

平林店 在縣南九十里

唐家店 在縣南七十里有老街新街相距里許

清潭店 在縣南九十里卽隋清潭縣故址街北首有古城

隍廟

新集 在縣南一百一十里

吳家集 在縣南一百二十里與鍾祥縣接界迤西距宜城

田家集二十餘里東南與隨州鍾祥壤地相錯奸宄之徒

多往來出沒其間

重修棗陽縣志

卷之一

里鎮

二十一

車家河 在縣南一百里

宋家集 在縣南一百一十里

唐家城 在縣東南八十里

資山店 在縣東南七十里

梁家集 在縣南四十里

廖家店 在縣南四十五里今廢

熊家集 在縣南六十里

青山店一名王家集縣南七十里

李家樓 在縣南八十里

槐樹岡 在縣東南二十五里

烏金店 在縣東南四十五里

王家城 在縣東南六十里

陳家店 在縣東南七十五里

隨陽店 在縣東六十里與隨州交界

榆樹岡 在縣東二十五里

紅花店 在縣東三十里

劉昇店 在縣東四十里

興隆集 在縣東四十里

重修棗陽縣志

卷之一

里鎮

二十二

棗林店 在縣東四十里

鄧家店 在縣東北十八里

吉家河 在縣東北二十里

鹿頭店 在縣東北四十里

按明史鹿頭店有巡檢司裁革無考又文獻通考設大阜驛有驛丞聞土人云乾隆時街首大阜驛三字猶存

永和店 在縣東北六十里

青陽集 在縣東北六十里今名錢家岡

雙河鎮 在縣東北七十里

新寺店 在縣東北七十里

落河陂 在縣東北七十里

邢家川 在縣東北八十里

草店 在縣北二十五里

清涼寺 在縣北三十里

太平鎮 在縣北四十里

白露店 在縣北四十里

寺莊店 在縣北五十里卽漢之宜秋聚與唐縣接界爲南

北要道

重修棗陽縣志

卷之一 里鎮

二十三

袁家寨 在縣北四十里

湖河鎮 在縣北六十里爲楚豫邊疆設守備一員鎮守

竺家岡 在縣西北三十里

劉家寨 在縣西北四十里

楊家壩 在縣西北六十里

阮家店 在縣西北四十里

三關廟 在縣西北三十五里

齊家岡 在縣西北二十里

七方岡 在縣西北五十里

甘家廟 在縣西北五十里

狗皮店 在縣西北六十里地處邊鄙自此迤西至七方岡
一帶民多桀驁爲奸宄之淵藪舊時名永興店

聶家集 在縣西北八十里與新野交界

李老人集 在縣西北七十里

關王寺 在縣西北七十里

楊家集 在縣西十五里

趙家集 在縣西二十里

草寺店 在縣西二十五里

重修棗陽縣志

卷之一 里鎮

二十四

隆興寺 在縣西四十里

盧陂堰 在縣西六十里

土橋舖 在縣西二十里

璩家灣 在縣西四十里地通舟車爲邑西巨鎮澧水與白
水合流於此

蔡陽舖 在縣西六十里

小板橋 在縣西南七十里

櫻源店 在縣西南二十里

大板橋 在縣西南二十里

耿家集 在縣西南七十里

重修棗陽縣志

卷之一 里鎮

二十五

津梁

沙河渡 在大東門外知縣甘定遇捐置板橋渡船藝有文記見

白水渡 在吳家店西北渡船二隻皇村渡船一隻

滾河渡 在縣南五十里

紅沙河 在縣北五十里

優涼河 在縣南二十里

鎮北河 在縣北十八里

蒼龍河 在縣北五十里

賓旭橋 在大東門外

重修棗陽縣志 卷之一 建置

阜成橋 在小東門外

南石橋 在南門外

玉帶橋 在崇文街南

羔兒橋 在北關外黃龍岡下水相傳昔有人經此橋忽不見二羊大者南去尾之

亦化石因名
望母橋

元水橋 在縣南八十里

犁鏵橋 在縣南八十里

尙冕橋 在縣南六十里

優梁橋 在縣東十五里明景泰時知縣夏亨建

黃村橋 在縣南四十里

華陽橋 在縣東四十里

駟馬橋 在縣南六十里有市其地為明刑部郎中尚冕故居

太平橋 在縣南九十里跨鸚鵡水上

高橋一名清陽橋 在縣南九十里清潭東又平林店西南

里許亦有高橋跨昆水上

姜家橋 在縣南八十里平林店北跨昆水上

同口橋 在縣南九十里

車橋 在縣南九十里

重修棗陽縣志 卷之一 津梁

二十七

大板橋 在縣南二十里

小板橋 在縣南七十里

周濟橋 在縣西南五里更名龍頭橋

土橋 在縣西南二十里

高橋 在縣西南四十里

曹家橋 在縣西南七十里

高恭橋 在縣北三十里

鳳凰橋 在縣西北六十里楊家壩道光二十六年張純修

重修

十八壘橋 在縣北二十里

黃家橋 在縣西北三十里

周家橋 在縣北五十里

玉皇橋 在縣東北十里

青龍橋 在縣西四十里

姑嫂橋 在縣南三十五里

綬齡橋 在鹿頭店東義叟張綬克齡修

興仁橋 在鹿頭店北義耆連捷修

節孝橋 在鹿頭店東節婦邱劉氏修

重修棗陽縣志

卷之一 津梁

二十八

康濟橋 在錢家岡監生閔大海之妻張氏捐貲重修

廣濟橋 在西關外監生吳楚培及孫監生大維兩次捐修